



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 3. Vtrum malum, vel permissio eius sit effectus prædestinationis.

[urn:nbn:de:hbz:466:1-77011](#)

mus argumenta, quæ contra utramque opponi solent.

13 Obiectur primò August. cap. 10. de Prædestinatione Sanctor. ubi, dum prædestinationem præparationem gratia esse, definit, gratiam verò ipsius prædestinationis effectum, cetera dona naturalia ab effectibus prædestinationis videtur excludere. Respondeo, non excludere. Primò; quia forte ibi gratiam accipit latius prout dona etiam naturalia complectitur. Nam & hæc sub nomen gratia large acceptum cadere posse, sepe admonent Patres, & Scholastici, quorum plures refert Ruiz disput. 24. lect. 7. Secundò; quia, et si alios habeat effectus prædestinationis, absolute est verum, prædestinationem esse præparationem gratia, & gratiam esse effectum eius. Fit tamen ab Augustino mentio solum de illa tanquam de precipuo prædestinationis effectu, ad quem ceteri referuntur, seu ordinantur: quo non excludit alios effectus à se admissos alijs in locis. Videatur præfertim lib. ad Simplicianum quest. 2. circa medium lib. de Dono perfeuer. cap. 14. lib. de Corrept. & grat. cap. 8. prope finem, & lib. de Prædestin. Sanctor. cap. 14. ante medium.

13 Secundò opponuntur Patres Africani cum Augustino epist. 95. ad Innocentium Papam versus medium dicentes. *Etsi enim quadam non improbanda ratione dicitur gratia Dei, qua creati sumus, ut non nihil essemus, &c. alii tamen est, qua prædestinati vocamus, iustificamus, & glorificamus.* Deinde ipse August. epist. 105. in illud Apostoli ad Roman. 3. *Iustificati gratis per gratiam ipsius, inquieti. Non istam gratiam commendat Apostolus, qua creati sumus, ut homines essemus, sed, qua iustificati sumus, ut homines iusti essemus.* Ista est enim gratia per Iesum Christum dominum nostrum. Etenim Christus non pro nullis, ut homines conderentur, sed pro impiis mortuis est, ut iustificantur. Quibus Patres ab effectibus prædestinationis, & à meritis Christi aperte videntur excludere beneficia creationis. Respondeo cum Herice, Ruiz, & alijs Recentioribus, prædictos Patres solum intendere, creationem, & cetera naturalia dona, præcisè prout naturalia sunt, ad finem tantum naturalem suapte natura ordinata, & Reprobis etiam communia, nec esse effectus prædestinationis, nec meritorum Christi. Hoc tamen non tollit, ea, prout ad gratiam, gloriamque supernaturalem conducunt, eleuantur, & ordinantur à Deo, esse prædestinationis effectus, & per merita Christi conferri. Qui quidem, et si non meruerit hominibus, ut absolute essent, meruit tamen, ut essent iusti, & beati, & consequenter, quidquid confert ad eorum iustitiam, & salutem, prout ad illam confert.

14 Tertiò obiectur. Patres contendentes contra Pelagium, & eius Reliquias, ex parte Prædestinati nullum dari prædestinationis meritum, nunquam id probarunt: quia Prædestinatus suam existentiam, à qua eius prædestinatus incipit, non promeretur, in quo facile Adversarios conuincere. Ergo supponebam, existentiam non esse effectum primum, à quo nostra prædestinatione sumit exordium. Concesso antecedente; nego consequentiam. Quia non erat instituti Patrum, probare, nullum præcedere meritum ad integrum prædestinationem; (licet & id obiter suis argumentis conficerint); sed prædestinationem ad gloriam, aut etiam ad gratiam ex meritis arbitrij

non fieri, ut contendebant Pelagius, & eius Reliquiae.

Quartò obiectur. Si substantia Prædestinati, bona indoles, aut alia dona naturalia effectus prædestinationis, illa quidem ad gratiam vocationis conducerent. Vnde ex parte Prædestinati daretur causa prima gratie. Aut id dici non potest. Ergo. Respondeo, dici non posse, ex parte Prædestinati dari causam prima gratia per modum meriti, aut dispositionis moralis. Causam vero physicam receptiūm primæ gratia, qualis est substantia Prædestinati, aut ad eius efficaciam iuuantem, qualiter iuuat bona indoles iuxta sententiam August. lib. de Dono perfeuer. cap. 14. ex parte Prædestinati negari non posse. Imo aliquando bona natura occasio fuit, quam Deus accipit, aut conditio, quam intuetur ad conferenda dona gratia, iuxta doctrinam datum disp. 42. quest. 4. proposit. 6. Quod satis est, ut illa inter prædestinationis effectus comprehendantur. Addo, negari non posse, bona natura aliquatione conducerere ad iustificationem, & gloriam Prædestinati, et si negetur, esse ea prædestinationis effectus. Vnde argumentum factum, quod in ea conducentia inititur, nihil speciale contra nos præstat, sed ab omnibus est solendum. Mitto alia leuiora apud Ruiz supra lect. 7. & 8.

Denique obiectuunt alij. Existentia non potest esse beneficium; quia non supponit subiectum, cui donetur. Ergo nec potest esse prædestinationis effectus. Ruris forma nequit efficaciter amari, nisi subiecto existenti. Ergo beatitudine efficaciter amata supponit existentem Prædestinatum. Ergo existentia Prædestinati nequit esse effectus amoris efficacis sua beatitudinis, aque adeo nec prædestinationis. Ad primum respondeo, beneficium sumptum pro dono indebito non debere supponere subiectum, sed posse esse ipsam subiecti substantiam, ut supponit Patres Africani cum Augustino relati num. 13. Ad secundum dico, optimè posse amari etiam efficaciter formam subiecto nondum existenti, cummodo pariter subiectum ipsum efficaciter decernatur siue codem, siue distincto decreto; de quo modo non curio. Addo tamen, ut existentia Prædestinati sit prædestinationis effectus iuxta sententiam non admittentem prædefinitionem glorie, sat esse, illam speciali affectu decernere ex simpli ipsius glorie intentione. Quo friget argumentum.

Postremo obiectur. Bona naturalia eu-
niunt iuxta exigentiam causarum naturalium.
Ergo non sunt effectus prædestinationis. Ne-
go consequentiam. Quia ipsa naturalis dispo-
sitione rerum, vnde ea exigentia prouenit, spe-
cialiter est ordinata à Deo in gloriam Præde-
stinatorum.

QVAESTIO III.

*Vtrum malum, vel permisso eius
sit effectus præde-
stitutionis.*

EX doctrina præcedentis questionis constat, mala pœna, & defectus bonorum natura- lium,

lum, quæ supponunt existentiam Prædestinati, effectus prædestinationis esse factio, quoties re ipsa ad gloriam Prædestinati aliqua ratione conducunt. Quouiam, cum huiusmodi mala similitudinē sint bona directe amabilia à Deo, eligibiliaque in ordine ad gloriam Prædestinati, in quam aliquo modo re ipsa videntur influxura; nihil eis deest, quominus i^r effectus prædestinationis computentur, & naturalia bona, de quibus quæst. præced. tractatum est. Itaque, esse cæcum, claudum, surdum, gibbosum, erga valetudinis, prauæ complexions, hebetioris ingenij, disficioloris indolis, & alia id genus, sepe inter prædestinationis effectus locum habebunt; quatenus vel peccata præpediunt, vel materiam suppeditant virtutum. Tantum demque confundum est de paupertate, eruminis, laboribus, fame, siti, bello, prematurā, aut violentā morte, de ceterisque huiusmodi calamitatibus huius vita; que non raro viam sternunt ad æternam.

19 De malis verò culps siue peccatis certum est, non posse esse prædestinationis effectus, ut dicebamus quæst. 1. num. 1. quia non possunt amari à Deo, neque esse effectus eius. Idque non solum quoad malitiam formalem, vt constat; sed neque quoad materialem actionem, prout eit ab homine, quo pacto sibi habet annexam malitiam, iuxta doctrinam communem stabilitam suo loco contra admittentes prædefinitionem actionis materialis peccati. Aliud est de actione physica peccati prout eit à Deo concurrente cum homine, vt impletat munus cause primæ; quo pacto ne materiale quidem peccatum est, vt sepe alias dixi. Vnde nihil vetat, cam ut sic amari à Deo, & inter prædestinationis effectus connumerari.

20 Potissima ergo, caue celebris huius quæstionis difficultas est de permissione peccati, an ea sit, aut esse possit effectus prædestinationis. Negant Vazq. 1. p. disput. 93. cap. 2. Arrubal disput. 82. Beccan. tract. 1. cap. 14. quæst. 3. num. 15. Merat. disput. 39. Veken. disput. 27. cap. 2. Carlet. disput. 44. sect. 3. Idem censet Herice de facto disput. 30. cap. 6. addens, de possibili posse permissionem peccati aliter, quām medio peccato, conducere ad gloriam Prædestinati, sive esse prædestinationis effectum; vt si Deus alicui reuelaret permissionem sui peccati, ex eaque reuelatione moueat ad se humiliandum. Cum Hericè sentiunt Alarc. tract. 4. disput. 4. cap. 5. & Galpar Hurt. disput. 3. de Prædest. diff. 6. Soar. verò lib. 2. de Concursu Dei cap. 5. 2d 4. & lib. 3. de Prædest. cap. 8. Cartagena discursu 10. dub. 2. Molin. 1. p. quæst. 23. art. 2. disput. 3. & ibidem Bann. Nazar. Zumel, Cursus Carmel. Ioan. a S. Th. Gonzal. aliquippe Tomista communiter, Fafol. dub. 4. Granad. tract. 6. disput. 5. Ruiz disput. 23. de Prædest. Tann. disput. 3. quæst. 3. dub. 3. Franc. Amic. disput. 15. sect. 5. Franc. de Lugo disput. 42. cap. 4. Ribas disput. 4. cap. 8. Albiz tract. 3. disput. 4. sect. 13. Arriag. disput. 38. sect. 4. & alij plures docent, permissionem peccati effectum prædestinationis esse de facto. Limitant tamen Soar. Cartagena, Gonzal. Fafol. Tann. & alij ad permissionem peccati prout conducedent ad humilitatem, aut aliam similem virtutem occasionaliter dumtaxat oriundam ex peccato. Putant enim, non posse à Deo peccatum permitti ex intentione penitentie facienda de illo; supponentes, penitentiam (aliter quām humilitatem) peccatum sup-

ponere essentialiter, atque ita nec posse permissionem peccati esse prædestinationis effectum relativè ad penitentiam. Sed hanc limitationem expresse rejiciunt. Ruiz. Amic. & ceteri committunt. Contra eamque differit latè Quirós tom. 2. disput. 22. & 23. comprobans multis, posse Deum ante absolute præsumum peccatum efficaciter prædefinire penitentiam de illo.

Suppono primò, permissionem peccati (scilicet obiectuum dequa sermo est) aliud non esse à negatione auxilij efficacis, & collatione sufficiens ad non peccandum, supposita potestate ad peccandum. Vnde permisso peccati bonum quoddam est amabile, & causabile à Deo; de factoque sapissimum amatum, atque causatum, ut est certissimum. Quo fit, ut ex hoc capite uihil permissionis peccati desit, quominus possit esse effectus prædestinationis, ut in confessō apud omnes est.

Hinc suppono secundò, si quando permisso peccati alia via, quām medio peccato, conduceat ad gloriam Prædestinati, dubium non esse, quin ea ratione possit esse effectus prædestinationis. Tota enim difficultas in eo posita est, an casu, quod permisso peccati non aliter, quām medio peccato, ad gloriam Prædestinati conduceat, vt de facto semper accidit; (eo quod illa naturaliter aliter, quām medio peccato, non est ab homine cognoscibilis); possit nihilominus esse effectus prædestinationis. Videtur enim non posse: quia Deus illam ad gloriam Prædestinati, ad quam medio peccato est utilis non videtur posse ordinare, nisi amando peccatum; quod ei repugnat. Hinc fit, casum illum ab Herice propositum à nemine posse in controvërsiam vacari. Nam, si aliquis circa permissionem peccati sibi reuelatam à Deo aliquem actum virtutis exerceret proficuum ad salutem, quis dubitet, potuisse Deum ex intentione talis actus, ad quem permisso media sua reuelatione per se conduceret sine interpositione peccati, ipsam permissionem eligere? Quo nihil deesset, ut ea esset prædestinationis effectus.

Suppono tertio, actum internum virtutis 23 bisariam posse supponere peccatum, siue circa illud versari, siue illud relipere. Primo ut obiectum directum. Secundò ut obiectum indirectum, seu connotorum. Primo modo respicit peccatum quilibet actus penitentie, siue doloris, siue odij de peccato ipso, Secundo modo respicit peccatum actus vindictæ, quo quis vult vel sibi, ipsi, vel alteri aliquid molestum infligere in peccatum, siue punitionem peccati. Necnon quinque actus humilitatis in peccato fundatus, quo quis vel se ipsum tanquam peccatorem contemnit, vel vult contemni ab alijs ut tales; vel sibi ut peccatori omnem despexit, ac velipendium oportet, omenem honorem, estimationemque detestatur, &c. Vt roris autem ex istis modis versetur actus virtutis circa peccatum, ipsum respicit essentialiter, vt ex vniuersali doctrina tradita superdisput. 32 quæst. 5. aliaque sepe tacta constat. Vnde apparet, non bene Soar. & Asseclas diuerso modo philosophari in præsenti de penitentia, ac de humilitate oriunda ex cognitione peccari: quasi illa essentialiter respiciat peccatum, hæc verò non item: ambae quippe citra dubium respiciunt, tametsi diuersis modis, prout dictum est. Possunt tamen nihilominus esse alij actus virtutis ita occasionaliter oriundi ex cognitione peccati, ut nullo respectu sibi intrinseco respiciant.

Tractatus XII. De Deo uno.

772

peccatum ipsum, ut pote quod ex parte obiecti corum nullo modo se habet; sed etenim solum ad eorum existentiam occasionaliter conductus, quatenus homo per illius cognitionem excitatur ad tales actus elicendos; ut quando quis, videns te in tali occasione petcasse, proponit illam fugere, ne iterum peccet, &c.

²⁴ Suppono quartu, actus virtutum, quos homines pro statu praesente elicunt essentialiter responcientes peccatum, essentialiterque subinde conexos cum illo, dumtaxat esse tales, saltem ut plurimum, respectu peccati prout cogniti, atque adeo prout obiectus existens in his cognitione, secus protinus physicè existentis a parte rei. Quia cognitiones, quas homines pro statu praesente concipiunt de existentia peccati, saltem ut plurimum, sunt metaphysicè fallibilis, quantumvis non evidentes physicè, vel moraliter; existerique proinde possint simul cum actibus virtutum submixis illis, etiam si peccatum reipublica non esset, ut indicatur esse per illas. Quare tales virtutem actus cum physica existentia peccati, quam suapte existentia respiciunt prout apprehensam, sive cognitionem, tunc solum metaphysicè connexerunt, quando cognitiones de illa, quibus nuntiuntur, metaphysicè infallibilis fuerint, ut, si quando sint actus fidei diuinæ, aut iudicia tantæ evidenter, quanta opus est ad metaphysicam connexionem eorum cum suis obiectis, iuxta doctrinam a nobis traditam in Thoro Scientiæ disput. ^{4o} quæst. 3. Ceterum, quanquam causus isti defacto aut rati, aut forte nulli sint, ponamus pro maiore firmitate doctrinæ tradendæ in hac questione, omnes actus virtutum, suapte existentia responcientes peccatum existens, metaphysicè conexos esse, non tantum cum intentionali, sed etiam cum physicæ, & reali existentia eius. Quibus suppositis sit.

Propositio I.

²⁵ Permissio peccati defacto sape est effectus prædestinationis tum eius, cui peccatum permittitur, tum etiam aliorum. Idque, quatenus medio peccato conductus ad eorum salutem.

Probatur efficaciter ex Scripturâ, & Patribus saepe afferentibus, Deum permittere peccata propter fructum spiritualem ex illis prouenturum, tum ipsis peccatoribus, tum alijs. Ad Roman. II. Concluist enim Deus omnia in incredulitate, ut omnium misereatur. Ad Galatas 3. Concluist Scriptura omnia sub peccato, ut promissio ex fide Iesu Christi daretur credentibus. Ad Rom. 8. Omnia cooperantur in bonum ijs, qui secundum propositionem vocati sunt Sancti, id est, Prædestinationis. Omnia, addit Gloria, etiam peccata. Et August. lib. de Corrept. & gratia cap. 9. post medium, Usque ad prorsus omnia, ut etiam, si qui eorum deviant, & exorbitant, etiam hoc ipsum eis faciat profere, in bonum; quia meliores redeunt, atque doliores. Nam, ut ait ipse August. lib. de Naturâ, & gratia cap. 28. Deserit aliquantum Deus, unde superbis, ut scias, non sum, sed eius esse, & discas, superbis non esse. Et tract. 37. in Ioan. prope finem agens de peccato Iudeus ait. Malo eius bene, vobis est Dominus: trahi se pertulit, ut redimeret nos. Et serm. 124. agens de peccato D. Petri. Vide ergo, inquit, fratres charissimi, quemadmo-

dum exigua culpa permittitur subiacere tantus Apóstolus, ut emendatus elationis visio, atque correctionis integræ vestiarur moderationis, & clementia indumento. In quam culpam permisimus est cadera Petrus, dicit Gregor. Homil. 21. in Evangel. Vt is, qui futurus erat Pastor Ecclesie, in sud culpâ disceret, qualiter alijs misereri debuisset. Chrysostom. autem in homil de Adam, & Èva ait. Preuidit per omnia Deus quanta facere habuit bona de transgressione hominis, & ideo illam permisit. Et S. Thom. I. 2. quæst. 79. art. 4. Deus permisit, aliquos caderem in peccatum, ut peccatum suum agnoscentes humilientur, & conuertantur. Damascenus. 2. Fidei cap. 29. ait. Permittitur quis quandoque in corpore actionem incidere ad emendationem deterioris affectus; verbis causa quis est clarus in virtutibus, & recte factis suis: hunc sine Deus in adulterium prolabi, ut per casum in propria infirmitate cognitionem veniens confiteatur Domino. Et rufus ibidem. Interdum deseritur quis in malis ad vitam aliorum in melius commutandam. Similiter Isidorus lib. 2. de Summo bono cap. 29. in medio. Ideo nonnunquam electi lapsi carnali corrunt, ut à virtute superbia sanentur, & carnis vita humilientur, ut surgant. Declarat id ipsum Nyssenus Orat. de dormientibus post medium exemplum medici, qui suis monitis salutibus oppositum persuadere non potens, Permitteret filio, ut re noxiæ verseretur, quo morbi molestia, aut dolore aliquo affectum, reque ipsa paterni consilii utilitatem agnoscens, valetudinisque cupiditatem medicamentis suis in pristinum reduceret statim, unde propter stultam cibi pestiferi cupiditatem exibidet. Nemesius de Facultatibus animæ cap. 44. fine. Deseritur, inquit, quis ad tempus ad correctionem alterius, ut eius casu ceteri intuentes evadantur. Denique Ambrochus agens de Pententi a David in priore Aprologia David. cap. ait. Alias quoque prodebet peccatum, possumus comprehendere, & prouidentia Domini Santis obrepisse delicta. Propositum enim ad imitandum nobis sunt; & ideo curatum est, ut & ipsi aliquando laborerentur. Et paulò post. Praterij igitur patris per illos Dei gratia, ut nobis ad imitationem vitæ eorum fieret disciplina; & sicut innocentia, & pœnitentia magisterium de eorum actibus sumemus. Mitto alia.

Respondent Vazq. & Herice, Scripturam, & Patres ad modum vulgarem loquendi se accommodare; iuxta quem particula ut non sine operantis, sed euentum ex operatione sequuntur significare solet. Qua ratione D. Petrus. Actor, 1, dixit, De quo prævaricatus est Iudas, ut abiaret in locum suum. Cum tamen Iudas id non fecerit ex intentione abunde in talém locum. Hoc tamen solutio non satisfacit. Primum; quia quies Scriptura, & Patres in propriâ significacione accipi possunt circa incommodeum, ut in presenti accidit, non est consurgendum ad minus propriam. Secundò; quia sibi adiungunt Patres alias particulas, quia manifestè indicant sensum causalē, videlicet, ideo, cur, prouidentia Dei factum est, curatum est, ut, &c. Et tamen loqui Patres in sensu causalē in plerisque locis citatis, ex ipsis eorum verbis, atque contextu adeo videtur notum, ut, re sincere inspecta, non videatur posse negari.

Aliter responderet Arrubal. Nempe, permissionem peccati eligi quidem a Deo interdum ex intentione dandi humilitatem; quia utilis est ad ostendendam infirmitatem hominis. Haec te-

mē aliter, quām per peccatum, cognosci posse, nē in ipsa tentatione, & multitudine prāiarum cogitationum; quā peccatum præcedunt. Minus satisfacit hæc solutio. Quia Patres exp̄s̄ loquuntur de humilitate, aliō spirituali fructu capiendo ex cognitione ipsius peccati commissi, vt ex relatis eorum verbis notum est. Et quidem ad altos fructus, qui ex tentatione præcisē colligi possunt, permisso peccati non conductit; tum quia quævis tentatio sine permissione peccati potest existere; tum quia tentatio, non per permissionem peccati, sed per se ipsam innoscit. Imo verò permisso peccati naturaliter aliter, quām media experientia ipsius peccati commissi, cognosci non potest.

28. Que cum ita sint, probo iam, ex mente Patrum nihil deesse permissioni peccati, quoniam possit esse, & sit defacto prædestinationis effectus. Quoniam, vt constat ex doctrina questionis præcedentis, quidquid re ipsa qualibet ratione conductit ad gloriam Prædestinati proximè, vel remotè, effectus est prædestinationis eius, si alias ex intentione gloria ipsius sit amabilis à Deo amore speciali erga Prædestinatum; qua sunt conditio[n]es requisi[t]æ q[ua]est. 1. Sed permisso peccati re ipsa conductit ad gloriam Prædestinati, quatenus causa, aut occasio est humilitatis, aut alterius virtutis oriundæ ex cognitione peccati, qua promeretur Prædestinatus gloriam, & gloriam: & alias, contestantibus Patribus, ex affectu talis virtutis, & consequenter magis remotè ex intentione gloria Prædestinati amatitur à Deo; idque, quia præuidetur in talen virtutem, & consequenter in ipsam gloriam re ipsa influxura, seu conductura: quod est, amari affectu speciali erga Prædestinatum. Ergo nihil deessit permissioni peccati, quoniam possit esse, & sit defacto effectus prædestinationis.

29. Sed superest modò declarandum, quomodo permisso peccati possit amari à Deo ex intentione virtutis oriundæ ex cognitione peccati, atque adeò supponens peccatum existens, prout attestantur Patres, quin ipsum peccatum ametur. Videris enim, id esse impossibile; quia permisso peccati, non per se immediatè, sed medio peccato, est utilis ad talen virtutem. Videtur autem repugnare, vt medium remotum ex intentione finis ametur, non amato proximo, per quod dumtaxat conductit ad ipsum finem.

30. Docti Recentiores, qui nobiscum in sententiā conueniunt, censem, permissionem peccati prout utile ad virtutem circa peccatum exercendam ex intentione ipsius virtutis amari à Deo non possit, non amato peccato; quia non est utilis, nisi medio peccato; atque adeò nec possit à Deo eligi ex tali fine per electionem, quam appellant formalem. At posse amari, non vt utile ad talen virtutem, sed ex alio motivo, ita tamē, vt intentio ipsius virtutis influat in huiusmodi amorem, è ratione, qua actus imperans induit in imperatum: quem propterea amorem electionem materialem permissionis peccati appellant; sufficientemque esse, arbitrantur, vt per illum permisso peccati ex fine supradicta virtutis amari dicatur. Non placent. Primò: quia huiusmodi electiones materiales non sunt possibles in Deo, eo quod intentio finis non valet voluntatem intendentis mouere ad alium actum, præterquam ad electionem formalem, vt supra disp. 36. q[ua]est. 4. proposit. 6. probatum est. Secundò: quia testimonia Patrum producta, plane signifi-

cant, Deum per electionem formalem eligerem permissionem peccati. Nam velle permittere peccatum, vt homo humilietur, cautior euadat, aut penitentiam agat, nihil aliud sonat iuxta proprietatem sermonis, quām velle permissionem peccati, vt utile ad eos fines. Si enim Deus non veller permissionem peccati vt utile ad humilitatem hominis, sed tantum vt utile ad ostensionem sui dominij, est desiderium humilitatis hominis in volitionem permissionis peccati re ipsa influeret, non diceretur Deus, aut certè impropriè diceretur, velle permettere peccatum, vt homo humiliaretur; sed tantum, vt ipse ea permissione suum dominium ostentaret. Tertiò: quia incommodum, quod Recentiores vitare intendent sua elezione materiali, certè non vitant. Si enim permisso peccati, vt dicunt, nequit amari sine peccato prout utilis ad humilitatem; quia tantum est utilis ad illam međio peccato. Neque intentio humiliatis poterit ob eamdem rationem mouere ad amorem permissionis peccati, qui est electio materialis, nisi mouendo etiam ad amorem peccati. Nulla quippe congrua ratio potest excogitari, cur utilitas remota ad finem possit causari sine proxima per intentionem finis, & non possit amari sine proxima per electionem formalem. Quandoquidem utilitas remota sine proxima non minus videtur utilis respectu intentionis valentis solum mouere ad id, quod est utile; quām respectu electio[n]is formalis valentis tantum amare, quod utile est.

Dicendum ergo est, Deum per electionem formalem optimè posse amare permissionem peccati vt utile remotè ad virtutem circa peccatum exercendam, nullatenus amato peccato, sed connotata dumtaxat prout aliunde extituro, nimis ab arbitrio creato. Quia medium remotum optimè potest ex intentione finis eligi formaleri ut utile ad finem mediata utilitate, nullatenus volita, sed connotata tantum utilitate medij proximi, præsertim, quando medium proximum ab intendentis finem præuidetur aliunde extitum ex hypothesi, quod ab ipso ponatur extitum medium remotum; prout supra disput.

36. q[ua]est. 4. proposit. 6. vniuersè monstratum est. Recognoscatur doctrina tradita ibi, & ad rem applicetur, luxa quām Deus prævidens futurum peccatum, & ex peccato virtutem, & ex virtute gloriam ex hypothesi, quod ab ipso ponatur peccati permisso, optimè potest ex efficaci intentione gloria eligere, decernereque efficaciter potere permissionem ipsam vt contingendam cum illis tribus suo ordine, (quo pacto est speciale bonum Prædestinati); quin opus sit, vt per eiusmodi electionem aliquod eorum ametur: tametsi omnia tria necessario connotari vt futura debeat. Dabit his lucem solutio argumentorum, de quibus postmodum. Quomodo autem Deus citram omnem incommodum possit velle efficaciter auxiliū inefficax prout inefficax inclusum in permissione peccati supra.

disp. 40. q[ua]est. 4. expositum,

atque probatum à

nobis est.

Tractatus XII. De Deo uno.

774

Propositio 2.

Permissio peccati, non solum relata ad humilitatem per lapsum acquirendam potest esse prædestinationis effectus, sed etiam relata ad poenitentiam, & ad quilibet aliam virtutem connexam cum peccato.

Probatur propositio primò ex Patribus supra citatis. Quorum plerique aperte significant, finem permissionem peccati aliquod bonum virtutis esse supponens suopte conceptu existentiam peccati, connexumque subinde cum illa: & aliqui de ipsis peccati poenitentia loquuntur expresse. Secundò probatur ratione. Quia Deus prætendens poenitentiam, ad illamque ordinans ut medium permissionem peccati, non propter ea cogitur amare peccatum, adhuc virtualiter, ut ex dictis propositi. & ex argumentorum solutione constabit. Ergo nihil est, quod impedit, permissionem peccati esse prædestinationis effectum, etiam relata ad poenitentiam, ad aliamque virtutem sua natura supponente peccatum, seu cum illo connexam. Tertiò probatur ad hominem contra Soar. & suos concedentes, humilitatem peccatoris sapere esse finem intentum à Deo in permissione peccati, (ut expresse Patres affirmant); & id negantes de poenitentia. Nam, ut vidimus suppositione tertia, humilitas capta ex peccato non minus est connexa cum illo, quam poenitentia, rametis diuerso modo diuersitate, qua ad rem non interest, ut est notissimum.

Refutat igitur, ut argumenta diluamus, quæ nobis ad aduersarijs obiecti solent. Sit primum. Qui vult efficaciter finem, tenetur velle etiam media necessaria ad finem. Sed talis est peccatum respectu actus poenitentia. Ergo Deus prætendens poenitentiam non potest non velle peccatum. Nec valer, quod respondent aliqui, peccatum non est medium influens poenitentiam, sed potius materiam per poenitentiam destruendam; atque adeò non opus est, ut illud ametur ab intendente poenitentiam. Quoniam intentio efficax finis ad id omne amandum necessitat, sine quo finis intentus neque obtineri potest, neque existere. Certum est autem, poenitentiam fine præexistente peccato neque haberi, neque existere posse; estò sit illud materia per poenitentiam destruenda. Nam hoc quid interest? cùm destruatio rei essentialiter rem ipsam destruendam supponat. Respondeo ex doctrinā tradita disput. 36. quæst. 4. propositi. 2. qui vult efficaciter finem, tunc solum necessari ad volendum id, sine quo finis esse non potest, quando illud aliunde futurum non præuidet aut absolute, aut sub conditione alterius medijs ab ipso ponendi. Et quoniam Deus, dum efficaciter poenitentiam præfinit, præuidet peccatum futurum à voluntate humana, casu, quod ipse illud permittat; idcirco ex intentione poenitentia efficaci dumtaxat tenetur Deus ad permittendum peccatum; nec opus est, ut illud amet aliquo modo. Positò enim à Deo permissione peccati, re ipsa, & infallibiliter existet peccatum: quod solum, & non amplius exposita intentio efficax poenitentia.

34 Secundo arguitur. Qui vult efficaciter rem connexam, virtualiter censetur velle terminum.

connexionis eius. Ergo Deus volens efficaciter poenitentiam, virtualiter, vult peccatum, cum quo ipsa connectitur. Quod etiam Deo repugnat. Distinguo antecedens. Qui vult efficaciter rem connexam, censetur velle virtualiter terminum connexionis eius, quando hunc non præuidet aliunde existente, aut exiturum; translat: quando præuidet; nego. Et nego consequentiam. Alioquin nec post præsumum exitens abolire peccatum licet, velle efficaciter poenitentiam, de illo. Quod est absurdum.

Tertiò obiectum. Prædestinationis effectus poenitentiae impedit eius libertatem. Ergo permissione peccati relata ad poenitentiam effectus prædestinationis esse non potest. Nego antecedens. Quia nulla prædefinitione intentiu impedit libertatem, actus prædefiniti, ut abundè confici disput. 39. quæst. 2. Adde, hac argumenta, et si probarent, quod assument, nihil ad rem præstare, stando in sententia non admittente prædefinitions. Iuxta quam, ut permissione peccati sit effectus prædestinationis relata ad poenitentiam, satis est, hanc prætendit à Deo simplici affectu.

Quarto obiectum. Si Deus intenderet poenitentiam ante præsumum absolute peccatum, non posset disperdere, immo nec posset non complacere de existentia peccati. Quia amans finem, preferens infinitas, nequit disperdere, nec non complacere de illo, sine quo finis esse non potest; sicut nec potest non disperdere de impedimentoo opposito, quale esset hic carentia peccati: eo quod amor efficax finis odium est, scilicet virtuale, eorum omnium, quæ impedit confectionem finis. Respondeo, Deum amantem poenitentiam ante præsumum absolute peccatum, optimè posse simul disperdere de existentia peccati, non quidem efficaci, sed ineffaci disperdencia: sicut disperder, quando amat poenitentiam potest præsumum absolute peccatum. Si enim de eodem obiecto potest esse simul amor efficax, & disperdientia simplex, ut patet in projiciente suas merces in mare ad euadendam mortem; car non poterunt simul esse amor efficax viuis obiecti, & simplex disperdientia alterius cum quo prius connexum est? Ex quo patet, nullo titulo teneri Deum, amando efficaciter poenitentiam sive ante, sive post præmissionem absolutam peccati, ad complacendum, adhuc simpliciter, de existentia peccati: sicut nec tenetur disperdere de carentia peccati. Nam amor efficax finis tunc ut summum est odijum virtuale eorum, quæ impedit confectionem finis, quando ea aliunde non prætendentur auferenda, seu non ponenda. Quod in nostro casu non evenit.

Quinto obiectum. Amor efficax prætentis nullatenus potest componi cum odio efficaci, atque impeditio peccati. Ergo amor efficaciter poenitentia est amor virtualis peccati. Antecedens est certum. Quia cùm poenitentia sequatur fine peccato, repugnat, affectum cum poenitentia connexum, qualis est amor efficax eius, componi cum affectu conexo cum negatione peccati, qualis est odium efficax ipsius peccati. Probatur ergo consequentia. Quia duo affectus non pugnant inter se, nisi versentur formaliter, vel virtualiter circa idem obiectum. Hoc argumentum, si quid probaret, probaret etiam, amorem efficacem poenitentia supponente absolutam præmissionem peccati; necnon amorem efficacem permissionis peccati, qui supponit præmissionem conditionatam eius, esse amores virtuales ipsius peccati.

cati; (quod est absurdum): quia uterque effen-
tia iter est incompatibilis cum odio efficaci pecca-
ti. Nego igitur consequentiam primi enthymera-
tis, & eius probationem. Quia, ut duo affectus
inter se pugnant, non opus est, ut formaliter, vel
virtualiter versentur circa idem obiectum, ut pat-
ter in exemplis adductis. Itaque amor efficax
poenitentiae conexa cum peccato, ut summum est
amor virtualis alius, cui infallibiliter prævi-
detur annexum peccatum. Qualis est eius per-
missio.

38 Sexto obiecitur. Ex intentione poenitentiae nequit amari permisso peccati, nisi ut
utile ad poenitentiam. Sed non est utile, nisi me-
dio peccato. Ergo ex intentione poenitentiae non
est amabilis sine peccato. Huic argumento fa-
tiseci num. 31. repudiata num. 30. solutione exhibi-
ta a Recentiorebus.

39 Septimo obiecitur. Estus prædestina-
tionis debet esse gratia, & beneficium Prædesti-
nati. Sed talis non est permisso peccati; cùm
potius sit negatio gratiae. Ergo. Distinguendo maio-
rem. Effectus prædestinationis debet esse gratia,
& beneficium Prædestinati intrinsecè & ratione-
sui; nego: intrinsecè, vel causariè, sive occasio-
naliter; concedo. Et, distincta eodem modo
minori; nego consequentiam. Itaque esti permisso
peccati in se præcise non sit gratia, et ta-
men quatenus est occasio humilitatis, feruoris &
vel poenitentiae, atque adeò etiam gloria Præde-
stinati. Sed instabit aliquis. Permissio peccati
non est occasio eorum bonorum, nisi medio pec-
cato. Ergo potius est mala, quam bona Præde-
stinati. Cui melius esset non peccare, quam lu-
craria omnia bona, que obtinunt ex peccato.
Ergo nequit esse eius beneficium, atque adeò nec
prædestinationis effectus. Respondeo, esti per-
missio peccati reipsa sit Prædestinato magis ma-
la, quam bona, ratione eorum, quæ ex ea se-
quuntur, posse nihilominus eam esse effectum
prædestinationis eius. Primo; quia reipsa condu-
cit in gloriam, quod est in ea magnum bonum,
etsi coniunctum cum maximo malo. Quo iure
vel de ipso peccato dixit August. lib. 14. de Ciuitat. Dei cap. 13. Audeo dicere, superbis esse viles
cadere in aliud apertum, manifestumque pecca-
tum, unde sibi displicant. Secundo; quia, pro-
ut venit à Deo, qua ratione est gratia, & bene-
ficium, simpliciter est bona. Quia Deus nullo
modo est causa mali, quod illa secum fert;
cum tamen sit causa per se bonorum, quæ ex
illâ sequuntur, hoc ipso, quod ex eorum inten-
tione, non item ex intentione peccati, devenit il-
lam. Vide dicta in simili supra disput. 40.
quæst. 3.

40 Octauo obiecitur. Si permisso peccati est
effectus prædestinationis, sequitur, posse vnu-
quemque sibi, vel alteri desiderare; atque etiam
petere à Deo permissionem peccati. Cùm tamen
oppositum sit petendum iuxta illud Orationis Do-
minica. Et ne nos inducas in temptationem, sed lib-
era nos à malo. Sequitur etiam, Christum Do-
minum nobis permissionem peccati promeruisse;
ad idque mortuum esse, ut homines labi in pec-
cata sinerentur. Quod videtur absurdum. Ad
hoc argumentum omnes tenentur respondere.
Quia, licet permisso peccati non possit esse præ-
destinationis effectus (quod forsan nemo negare
potest loquendo iuxta dicta num. 22.) atramen
omnes tenentur conficeri, eam esse obiectum bo-
num, & ex aliquo fine honesto amabile à Deo ef-

ficaciter. Ex quo eadem vi potest inferri, illam
tum sub delictorum nostrum, & orationem,
tum sub Christi merita posse cadere. Repon-
deo ergo, neminem posse ubi desiderare, aut pe-
tere ex illo fine permissionem peccati. Quia
omnes peccatum proprium totis virtibus tenentur
fugere, ne dum non expetere, & media oratione
procurare occasionem, ex qua illud infallibiliter
est sequutur, qualis est peccati permisso. Nec
refert, hanc à Deo efficaciter posse amari. Quia
plura licent Deo, que homini licita non sunt.
Ob id præscribitur in oratione Dominicâ, ut po-
stulemus à Deo, ne nos sicut labi in peccatum.
Sic sentit Ruiz disput. 23. sect. 1. n. 9. Et docti
Recentiores. Ceterum, quanquam nemo possit
vñquam licet desiderare, aut petere permissionem
peccati proprij ob strictam obligationem,
quam vñlquique temper habet ad evitandum,
seu impediendum proprium peccatum: ast per-
missionem peccati alterius, non est, cur non pos-
sit homo aliquando licet desiderare, & petere
ex honesto aliquo fine, ut docet Herice vbi supra,
& docti Recentiores. Quia iuxta communem
doctrinam Theologorum in Tractatu de Scandalo,
non semper tenetur homo evitare, seu impedire
peccatum alterius, sed aliquando potest illud per-
mittere, etiam ponendo positivè occasionem, ex
qua illud prævidet sequitur, siue præben-
do occasionem, ut dicunt, scandali patiti alterius.
Quia hoc ex rationabili causa iuxta sententiam
omnium licetum est. Hoc autem ipsu[m] est, pos-
se hominem licet velle efficaciter permissionem
peccati alterius. Poterit igitur & illam petere,
quando ratio abilis causa asserit ad vitrumque.
Quod si id purus homo licet potest, multo potius
iure dicendus est Christus Dominus potuisse.
Quem propterea sepe petuisse, imperat-
se, & promeruisse permissiones peccatorum con-
formando le voluntati Patris propter bona
ex illis hominibus prouentura, aut etiam
propter alia motiva voluntatis Paternæ, dubi-
tabile non videtur. Videatur Herice loco ci-
tato.

QVAESTIO IV.

Quæ dona supernaturale ordinis
sunt prædestinationis
effectus.

Vix est in hac questione dissidium aliqui
momenti. Ob id materiam eius percurram
breuiter.

Propositio I.

Omne donum supernaturale gra-
tia de facto conducens ad gloriam
Prædestinati effectus est prædestinationis
eius.

Ita docent omnes Theologi contra vnum
Gabrielem male censem, solam gloriam di-
cendam esse effectum prædestinationis propriè
sumptu. Videantur Molina I. par. quæst. 23. art. 2.
disput. 3. Valent. ibid. punct. 3. Falol. ibid. duob. 2.

Vazq.